

939

Na osnovu člana 21. stav (7) i člana 65. stav (1) tačka d) Zakona o zaštiti stanovništva od zaraznih bolesti Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj 41/20), šef Odjeljenja za zdravstvo i ostale usluge donosi

PRAVILNIK O NAČINU PROVOĐENJA SANITARNOG NADZORA

Član 1. (Predmet)

Pravilnikom o načinu provođenja sanitarnog nadzora (u daljnjem tekstu: Pravilnik) reguliše se način provođenja sanitarnog nadzora nad licima koja na svojim poslovima mogu prenijeti zarazne bolesti na druga lica na području Brčko distrikta Bosne i Hercegovine (u daljnjem tekstu: Distrikt).

Član 2. (Lica pod sanitarnim nadzorom)

Radi sprečavanja prenošenja zaraznih bolesti, pod sanitarni nadzor stavljaju se lica koja rade na poslovima propisanim članom 20. Zakona o zaštiti stanovništva od zaraznih bolesti Brčko distrikta BiH (u daljnjem tekstu: Zakon).

Član 3. (Sadržaj nadzora)

- (1) Sanitarni nadzor nad licima iz člana 2. ovog pravilnika obuhvata sanitarni pregled i praćenje kliconošta otkrivenog sanitarnim pregledom.
- (2) Sanitarni pregled obuhvata preglede propisane članom 21. stav (3) Zakona.
- (3) Klinički pregled kao i laboratorijsko ispitivanje biološkog materijala obavljaju ustanove propisane članom 21. stav (4) Zakona.
- (4) Izuzetno od stava (3) ovog člana, bolnica koja ima organizovanu mikrobiološku djelatnost mogu samo za svoje potrebe obavljati laboratorijsko ispitivanje biološkog materijala zdravstvenih radnika i zdravstvenih saradnika u skladu sa Zakonom.

Član 4. (Obavješćavanje)

- (1) Pododjeljenje ili javna zdravstvena ustanova koja sanitarnim pregledom utvrdi zaraznu bolest ili kliconošta kod lica iz člana 2. ovog pravilnika u roku od 24 sata obavješćava nadležnu inspekciju i poslodavca kod koga je lice zaposleno, a pored njih zdravstvena ustanova obavješćava i Pododjeljenje.
- (2) Ako se kliničkim pregledom specijaliste epidemiologije, odnosno doktora medicine posumnja da lice pod sanitarnim nadzorom boluje od tuberkuloze, potrebno je rendgensko snimanje pluća.

Član 5. (Sanitarni pregled)

- (1) Sanitarni pregled lica iz člana 2. ovog pravilnika obavlja se početkom njihovog rada i potom svakih šest mjeseci, a ako postoje epidemiološke indikacije, pregled se obavljaju i češće.
- (2) Laboratorijsko ispitivanje biološkog materijala obuhvata ispitivanje brisa nosa na koagulaza pozitivan stafilocok, brisa ždrijela na beta hemolitički streptokok i stolice na salmonelle, šigele i crijevne parazite.
- (3) Izuzetno, kod lica koja rade na održavanju sistema za vodosnabdijevanje obavlja se samo pregled stolice na salmonelle, šigele i crijevne parazite.

Član 6. (Zabrana obavljanja poslova)

- (1) Lice kod kojeg je kliničkim pregledom specijaliste epidemiologa, odnosno doktora medicine utvrđena zarazna bolest koja se u toku rada može prenijeti na druga lica ili je ispitivanjem materijala utvrđeno kliconošta uzročnika iz člana 5. ovog pravilnika, te koje na tom radnom mjestu predstavlja rizik od zaražavanja drugih lica, ne može obavljati poslove do ozdravljenja, odnosno obesklješćenja.
- (2) Pododjeljenje i zdravstvene ustanove koje sprovode sanitarni nadzor vode evidenciju kliconošta.

Član 7.

(Protokol o sanitarnim pregledima)

- (1) Podaci utvrđeni kliničkim pregledom specijaliste epidemiologije, odnosno doktora medicine i laboratorijskim ispitivanjem biološkog materijala upisuju se u protokol o sanitarnim pregledima lica pod sanitarnim nadzorom i u sanitarnu knjižicu.
- (2) U sanitarnu knjižicu upisuju se broj i datum protokola o sanitarnim pregledima Pododjeljenja odnosno zdravstvene ustanove koja ovjerava sanitarnu knjižicu i broj i datum protokola mikrobiološke laboratorije koja je obavila laboratorijsko ispitivanje biološkog materijala.
- (3) Pododjeljenje odnosno Zdravstvena ustanova koja ovjerava sanitarnu knjižicu čuva mikrobiološke nalaze u trajanju od šest mjeseci, odnosno trajanju važenja sanitarne knjižice.

Član 8. (Sanitarna knjižica)

- (1) Sanitarna knjižica je formata 14 cm x 10 cm, ima korice bijele boje i sadrži najmanje pet listova.
- (2) Sanitarna knjižica navedena je u obrascu koji je sastavni dio ovog pravilnika (ANEKS I).

Član 9. (Potvrda)

Pododjeljenje odnosno zdravstvena ustanova koja obavlja sanitarni pregled izdaje licu potvrdu o obavljenom sanitarnom pregledu, koja važi sedam dana od izdavanja ovjerene sanitarne knjižice.

Član 10.

(Stupanje na snagu)

Ovaj pravilnik stupa na snagu osmog dana od dana objavljivanja u „Službenom glasniku Brčko distrikta Bosne i Hercegovine“.

Broj predmeta: 02-000070/21
Broj akta: 05-1535AM-0013/23
Datum, 31. 5. 2023. godine
Mjesto, Brčko

ŠEF ODJELJENJA
Mr. sc. Asmir Mujanović, dipl. oec., s. r.

ANEKS I

OBRAZAC SANITARNE KNJIŽICE

Prva strana

SANITARNA KNJIŽICA

Prva unutrašnja strana

Fotografija

(veličina
3,5 cm x 4,5
cm)

Potpis lica

Registarski broj sanitarne knjižice: _____

Javna zdravstvena ustanova / Pododjeljenje koje ovjerava sanitarnu knjižicu: _____

Druga unutrašnja strana

Ime: _____

Ime jednog roditelja: _____

Prezime: _____

Mjesto i godina rođenja: _____

Adresa stanovanja (mjesto, ulica i broj): _____

Broj lične karte i mjesto izdavanja: _____

Stručna sprema: _____

Opis posla koji obavlja: _____

Naziv i adresa poslodavca: _____

Treća i naredne unutrašnje stranice

Naziv i adresa mikrobiološke laboratorije: _____

Mikrobiološki pregled	Bris nosa	Bris ždrijela	Koprokultura	Paraziti u stolici	Primjedba
Broj protokola					
Rezultati analize					

* Prisustvo mikroorganizama označiti u odgovarajućoj koloni znakom +.

Datum: _____

M. P. _____

Potpis ovlaštenog lica _____

Naziv i adresa javne zdravstvene ustanove / Pododjeljenja u kojem je obavljen sanitarni pregled: _____

Broj i datum protokola sanitarnog pregleda: _____

Zarazna bolest / kliconoštvo	Utvrđeno kliničkim pregledom	Primjedbe

Mišljenje*:

1. lice može obavljati poslove

2. lice ne može obavljati poslove do ozdravljenja/prestanka kliconoštva

* Zaokružiti 1 ili 2.

Datum: _____

M. P. _____

(Pečat zdravstvene ustanove) _____

Faksimil i potpis specijaliste epidemiologije /
doktora medicine _____